
YAO Ping (California State University-Los Angeles)

1.大唐殤子王烈墓誌銘並序

2.烈名寶德，東京伊闕人也。曾祖開，隋上開府儀同；祖憲，
3.隋簡州金水縣丞；父感，皇朝□士□居貞毓德，樂
4.天知命，棲神衡泌，養素丘園。烈則感之第二子也。生而
5.岐嶷，幼履溫恭，孝敬發自天機，友悌融乎本質。性不戲
6.弄，對奇寶而不觀；志在多聞，挾良書而玩讀。至於風前
7.月下，率爾成章；玉露銀鈎，何嘗絕筆。年裁志學，追慕古
8.人，願輕舉而未從，欲遠遊而尚惑。沉吟永歎，擲躅延佇，
9.狀有精物，語涉神交，或有賦詩，或題永訣，凡所述作，密
10.自藏之。越以儀鳳二年夏四月廿二日，忽爾私行，慈親
11.怪其不歸，開函檢得遺語詩書十餘紙，每云赴水而去。
12.遂悼惶求覓，獲柩洛濱。時年一十有六。謚之曰烈。嗟乎！
13.三命難違，百身無贖，落常華於首夏，霄孤秀於先秋，嗚
14.呼哀哉！即以其年五月十一日厝於邙山之陽。方恐
15.累之墓，變高深而莫辯；森森之木，接林匯以難分，痛丹雘
16.之永失，紀玄石於斯文。其銘曰：
17.惜矣王生，素稟奇英，小年志學，弱冠輕生。義風多烈，雄
18.心不平，觀書殉古，遇寵逾驚。海若同志，馮夷叶靈，投茲
19.貝闕，赴彼珠庭。殯骸邙嶺，閟景佳城，峰雲憤結，壠樹悲
20.聲。齊椿菌之脩短，混彭殤之□齡，紀生前之氣烈，垂歿
21.後之芳名。